

Radd 3a Ahmad el Hariri enno l ouwwet 3amyjam3o sle7

ملاحظة: أوقات السيد طوني حدشيتي يكتب باللغة الكنعانية، يلي البعض بسميا لبنانية، والبعض الآخر بسميا عربي دارج. ويبستعمل الحرف العربي إلى حين تنشيط الأبجدية الكنعانية يوما ما.

كتب السيد طوني حدشيتي: لمّح قال مبارك احمد الحريري انو حزب الأوتّاء عندو جدول سياسي وغير سياسي (أصدو جدول عسكري؟؟) واتهم انو بدن التنسيم!!

انا بس بدّي افهم. تيار المستأبل ما بدو يواجه حزب ايران، ولا بدو التحالف الدولي يؤوم بالغرض ولا بدو غيرو يدافع عن حالو كمان؟؟؟

انا مش عم أگد انو الأوتّاء عم تتسلّح. انا ما بحكي باسم الأوتّاء، في عندن كوادر ومسؤول هني بردو. انا ناشط سياسي مستنلّ. بس يفهمني احمد الحريري شو بدو؟ بدكن لّما يكون في خطر وحزب ايران بدو يعمل عمل امني وعسكري، ن*را ونطّم مثل ما عملتو بـ ٧ ايار؟ بدكن يانا كمجتمع مسيحي نسلم مناطقنا لحزب ايران مثل ما سيطر على السلطا و غ مناطقكن بسبب ضعفكن وانبطاكن وتنازلكن المزلّ؟

خيّنا احمد، نحنا جايين من مجتمع كنعاني عمرو ٥٠٠٠ سني وعملنا المستحيل رغم كل الاحتلالات والدبح والتهديد، لنحافظ على هويتنا وحضارتنا وكرامتنا وحرّيتنا أدّ ما فينا. نحنا مش معودين نكون متلك مع محبتي الكبيرى إلّك. انا شخصين بتمنا حزب الأوتّاء وكل الاحزاب المسيحيّ يتبنّو التنسيم امبارح أبل بكرا. لان التنسيم هوّي حلّ من حلّين للتعددي بلبنان لان حسب ما مبين الشريك المسلم ما بدو الحلّ الاول لي هوّي الفيديراليه. شو المطلوب؟

- انتو بدكن النظام المركزي الوندوي الانصهاري المزلّ كرمال يضل لي عندو اكثر عدد هوّي لي يارر عني!

- انتو بدكن النظام المركزي الوندوي الانصهاري المزلّ كرمال تجبرونا بالدستور انو هوية لبنان وحدي ويلي هويّ العربيّ. بُتْءَبل بكرا اذا نحنا كنّا الاكثر بالعدد عبر احتساب الاغتراب (يلي هني هربوا قهرن عكس ما بخبرونا لي مزورين التاريخ انو حُبن بالهجرا) نفرض عليكن "لبنان كنعاني الهوية والانتماء"؟ بالحأبي لي بتسمو "مارونيّ سياسي" كنّا نؤول بالدستور "لبنان ذو وجه عربي". يعني في ميّلي من الوج عربي والميّلي الثاني مش عربي. انتو لغيتونا ونكرتو وجودنا الحضاري بالدستور، بس ما رح نبل تلغونا جسدين وسياسين وتعملو إبادي جماعيّ عالبطيء علينا!

- انتو بدكن النظام المركزي الوندوي الانصهاري المزلّ كرمال تضل جيبتنا معكن، حرّيتنا بإيدكن، ومصيرنا مع مصيركن ومصير الدول العربيّ والاسلامي!

التنسيم مش تهمة. هيدي وسيلي لناخذ حرّيتنا. خليك انت وحزب ايران مع بعضكن لحالكن وتنازلو ادّ ما بدك وتأسمو المغانم ادّ ما بدك ونحنا منعمل دولي لحالنا بتشبهنا وبتشبه حضارتنا وثافتنا!